

T R A C T A T U S
D E N A T V R A E L V C E
P H Y S I C A , E X G E N E S I D E S U M -
T A , J U X T A S E N T E N T I A M T H E O -
phrasti Paracelsi.

Argumentum Totius opusculi.

Summum atque præcipuum arcanum totius Philosophiaæ naturalis, in unico immensitatis æternæ centro fundatum, priscos non considerasse Physicos mirum est. Fortasse quod manifestioribus intenti, ea quæ penitus abdita sunt, preterierint, vel potius datum non sit eis, Deum à suis operibus nosse luculentius. Quod quidem hisce postremis temporibus revelare suis Jesus Christus voluit. De quo etiam primus omnium (quod sciam) Paracelsus libro ad Athenienses, vel ad istorum discipulos scribens, sub involucro docet, mysterium magnum increatum esse matrem, & primam materiam creaturarum omnium naturalium. Et quia dignatum est sese unire quandoque transiturarum rerum in universum etiam unico centro creato, Cuncta sunt (inquit) in primam suam essentiam redditura, non tamen in suam primam materiam, vel in mysterium magnum: sed in id solum quod ante ipsum extitit, videlicet bonū, vel malum, id est, in Unarii similitudinem, aut Binarrii. Non est etiam hoc mysterium unquā in eo statu redditum, in quo fuit creationis tempore. Hoc primum principium in tria prima principia naturalia divisum